


Edukasyon sa Pagpapakatao

Unang Markahan – Modyul 1: Kalugaringon Ko, Kilala Ko





Aradman

Pagkatapos hini nga mga buruhaton ha modyul, naglalaom kami nga mahihibaruan nimo an imo kalugaringon nga :


- karuyagon
- interes
- abilidad
- kaluyahan
- emosyon




(EsP1PKP-Ia-b-1)



Inadman

Direksiyon Igdrowing an malipayon nga nawong (😊) ha numero han ladawan kun nagpapakita han imo interes o karurag mo buhaton ngan masulub on nga nawong (😞) kon dre mo karuyag. Buhata ini ha imo notebook.





Aralin

1

Kalugaringon Ko, Kilala Ko


Tubtob ngain an imo pagkilala han imo kalugaringon? Ha adlaw adlaw ha imo kinabuhi tikang han imo katawo hangtod yana, hul-os mo na ba nga kilala an imo kalugaringon?

An pagkilala han kalugaringon sobra ka importante kay dinhi mo mababaruan an mga butang nga kun diin ka makarit ngan ano an mga karuyag mo buhaton . Ha pagkilala han kalugaringon mababaruan mo liwat an mga butang nga akos ngan dire mo akos buhaton base han imo interes. Dinhi mo makikit-an an mga kinahanglan mo pauswagon para ha imo kalugaringon.



Panumdum

Kitaa hin maupay an mga ladawan ha kada numero ha ubos. Ig-istorya ini.



Gamit an mga ladawan, batuna an masunod nga pakiana

1. Anu-ano an ginbubuhat han kada bata ha ladawan ?
2. Hain ha mga ladawan an karuyag mo buhaton?



Diskubreha

Basaha ngan intindiha an istorya ha ubos.

An Magkarit

Ha sulod pag-aradman ni Mam Ramos gintagan niya an kada grupo han iya klase nga magpakita han ira iba iba nga talento o abilidad ,sugad han pag arte ,pagdrowing ,pagkanta ngan pagsayaw.

An grupo ni Bela nagpadasig hira hin pagsayaw samtang nagkanta naman an grupo ni Robin. An gin pakita naman han grupo ni Romel amo an pagdrowing, an grupo naman ni Rina nagpakita han ira kamag karit pag arte. Sobra kamalipayon han kabataan han ira gin pakita nga mga talento.

Malipayon naman liwat an ira maestra han mag upay nira nga ginpakita.

Batuna ha iyo notebook an masunod nga mga pakiana.

1. Ano an ginhatag nga buruhaton han maestra ngadto han kabataan base han istorya?


2. Anu ano an mga abilidad nga ginpakita han kada grupo?
3. Kanay grupo an nagpakita han pagdrowing ngan pagkanta?
4. Ano an ginpakita han grupo ni Bela?
5. Ano an gin abat han kabataan han ira ginpakita ?




Adman 'ta

An pagkilala ngan pagkahibaro han mga butang nga imo karuyag , interes ngan mga butang nga akos ngan dire mo akos buhaton in importante nga pamaagi para makabulig para maintindihan ngan makilala mo an imo kalugaringon.

Ha usa nga bug os nga papel , pilia an pamatasan nga mayda ka





Mga Buruhato

Basaha an nasunod nga nga pakiana. Igsurat an tsek (✓) ha tama nga kulom. Buhata ini ha papel.



Akon Nahibaruan


Importante nga kilala naton an aton kalugaringon kay dinhi naton mababaruan an aton mga interes ngan mga butang nga karuyag naton buhaton . Dinhi mo liwat maipapakita an mga buruhaton nga akos ngan dire mo akos buhaton na kinahanglan mo pauswag. Sugad liwat an mga pamatasan nga dire maupay nga kinahanglan bag uhon.

Pakiana	OO	DIRE
1. Maaram an imo klasmeyt nga maupay ka magdrowing salit ikaw an iya gindaupan para magpabulig. Bubuligan mo ba hiya ?		
2. Magkakamay ada hin paisan isan hin pagkanta ,maaram ka nga maupay an imo boses , maapi ka ba ?		
3. May talento ka ha ngaran hin pagsayaw ,tobtob ka la ba hin pagtutdo ?		
4. May talento ka liwat hin pag-arte salit ginsidngan ka nga mag pa audition, makadto ka ba ?		
5. Ikaw an napili han iyo eskuwelahan nga umapi hit pag siday, maruruyag ka ba?		




Akon Mabubuhat

1. Ha usa nga bond paper, pagdrowing hin usa nga dako nga bituon. Ha sulod hini igdrowing an imo abilidad o talent. Ha ubos naman han bituon, igsurat kon paunan-o mo gagamiton ini nga imo talent.



2. Pagdrowing hin usa nga dako nga lidong ha bond paper. Ha sulod hini, igdrowing an imo kaluyahan nga karuyag mo pauswagon. Ha ubos hini isurat kun paunan-o mo ito pauuswagon.





Pagsukol Han Nahibaruan

Direksiyon : Butangi hin tsek (✓)kun nauyon ka han ginsesering han kada pamulong ngan ekis (X)kun diri ka nauyon.

- _____1. Permi naapi hi Karen hin paisan isan bisan maaram hiya nga mayda pa mas maupay ha iya.
- _____2. Awdonon nga bata hi Ana, salit bisan maaram hiya nga may talento hiya pagsiday diri hiya naapi hin bisan ano nga paisan isan.
- _____3. Bisn higara na pag drowing namamati la gihap hi Rica han mga sagdon hit iya kag anak parte hit pamaagi hit pag drowing.
- _____4. Waray pagruhaduha hi Carlo nga buligan ngan tutduan an iya klasmeyt hin pag gitara.
- _____5. Dati hi Roy mag basketball pero danay hiya nag hihinambog .



Kadugangan nga Buruhaton

Igdrowing ngan kumpletoha an gin aaro nga impormasyon ha ubos nga natutunga hin upat ka parte. Buhata ini ha bondpaper.

“AKO INI”

Paborito ko ini.

Dinhi ako dati.

Ini permi it akon gin
aabat.

Diri ako hini maaram



Mga Baton

Mga Buruhaton	1. 00 2. 00 3. dir 4. 00 5. 00	1. / 2. X 3. / 4. / 5. X	1. Gintagan hin buruhaton an kabataan nga magpakita han ira abilidad o talento	2. pagsasayaw, pag-kanta, pagdrowing ngan pag-arte	3. grupo ni robin- nag- awit grupo ni Romel- nagdrowing	4. an grupo ni Bela an magpakita hin pagsasayaw.	5. Malipayan an kabataan han ira ginpakita nga mga abilidad
Pagsukol han nahibaran							
Diskubreha							